



República Democrática de Timor-Leste
Secretaria de Estado da Formação Profissional e Emprego
Direção Geral
Departamento de Informação do Mercado de Trabalho

Imajen Jeral Merkadu Traballu

Edisaun 2, Jullu 2014

Introdusaun

Edisaun dadaun Imajen Jeral Merkadu Traballu dadaun ne'e haree besik liu tan dadus husi konta nasional, rezultadu preliminaríu husi peskiza forsa traballu, no peskiza empreza no abilidade. Informasaun badak ida ne'e iha intenssaun atu avallia mudansa ne'ebé mosu dadaun iha ekonómia no ninia impaktu ba kriaun serbisu. Alein de ida ne'e, ita-boot mos bele haree atualizasaun badak kona-ba assistensia empregu ne'ebé Sekretaria Estadu ba Polítika Formasaun Profisional no Empregu (SEPFOPE) fornese ona.

Dadus 2012 husi konta nasional públika ona iha fulan Jullu 2014. Halo ona ajustamentu balun. Ninia mudansa boot mak kresimentu GDP la'os mina nian ba tinan 2011 ne'ebé reve tiha ona husi 12% ba 14.7%. Hamutuk ho relatóriu kona-ba konta nasional, Diresaun Nasional Estatística mos lansa ona relatóriu Peskiza Atividade Emprezárial (BAS) ba tinan 2012 nian. Relatóriu ida ne'e fornese dadus oi-oin kona-ba atividade emprezárial iha nasaun laran.

SEPFOPE fahe ona rezultadu husi Relatóriu Peskiza Empreza no Abilidade ba dahuluk iha tinan 2013. Fahe mos identifikaun prinsipal husi Peskiza Empreza no Abilidade ba daruak nian hala'o ona iha fulan Janeiru-Marsu 2014. Liu tan, rezultadu preliminaríu husi Peskiza Força Traballu (PFT) 2013 nian mos fahe ona ho grupu interesadu sira. Diresaun Estatística mak hala'o ona PFT 2013 nian iha parseria ho SEPFOPE.

Peskiza hirak ne'e fornese ona fonte dadus ne'ebé diak, no Departamentu Informasaun Merkadu Traballu (DIMIT) halo análise liu tan ba dadus balun hodi identifika karaterística no dezvoltamentu iha Merkadu Traballu. Rezultadu husi análise ne'e sei apresenta iha ne'e ho objetivu último katak nia sei sai hanesan informasaun diak ba dezvoltamentu política no programa hirak iha futuro ba nasaun ne'e.

Serbisu no Ekonómia

Iha tinan 2012, GDP la'os mina nian sa'e ho pursentu 7.8% ne'ebé signifika katak iha redusaun maka'as iha taixa kresimentu kompara ho 2011. Atualmente, taixa kresimentu iha tinan 2012 neneik liu ba Timor-Leste desde tinan 2007 (Figura 1).




Figura 1: Taixa Kresimentu GDP ho % tinan 2007-2012 (Presu Konstante).
Fonte: Kalkulasaun bazeia ba dadus husi Conta Nasional ba Timor-Leste 2000-2012, Diresaun Jeral Estatística

Setor mina hanesan kontribuidor boot ba GDP jeral, maibe kresimentu setor mina nian hetan flutuasaun boot.

Iha parte seluk, proporsionalidade husi setor la'os mina nian dezenvolve progresivamente no iha tinan 2012 nia konta ba besik 28% husi total GDP (Figura 2).




Figura 2 Proporsan setor mina no la'os mina nian iha ekonómia iha miliaun USD (2007-2012). Fonte: Kalkulasaun bazeia ba dadus iha Konta Nasional ba Timor-Leste 2000-2012, Diresaun Nasional Estatística

Iha tinan 2007 proporsan setor la'os mina nian hamutuk 16.2% deit. Valor aumentu prinsipal tolu mak husi setor komersiu, konstrusaun, no administrasaun públika. Iha tinan hirak nia laran, valor aumentu husi setor agrikultura nian laiha mudansa. Iha tinan 2012 proporsan valor aumentu iha agrikultura kuaze atu hanesan (4.4%) kompara ho tinan 2007.




Figura 3. Aumenta valor iha setor laos mina nian hanesan parte husi GDP (2007-2012) Fonte: Kalkulasaun bazeia ba dadus husi Konta Nasional Timor-Leste 2000-2012, Diresaun Jeral Estatística

Tuir Peskiza Atividade Emprezárial (BAS) 2012, ema hamutuk na'in 63,200 mak empregadu iha emprezáriu privadu. Konsentrasaun empregadu bele haree iha venda jeral no komersiu retallu (Figura 4). Setor rua ne'e konta ba traballador liu 61%. Jeografikamente, Dili sai fonte prinsipal empregu ba traballador sira. Empregadu liu 83% mak serbisu iha Dili.

Kompara ho tinan 2011 iha mudansa menus iha setor konstrusaun iha 2012. Atualmente setor ne'e hasoru kresimentu negativu (-6%). Nune'e, kompara ho tinan 2011-wainhira empregadu liu 66% mak tama tan ba iha setor konstrusaun – iha aumentu 2% deit ba númiru empregadu iha tinan 2012.

Konsentrasaun traballador iha venda jeral no komersiu retallu no konstrusaun mosu mos iha Peskiza Empreza no Abilide (PEA, Jullu 2014)¹. Rezultadu husi peskiza ida ne'e hatudu katak husi tinan 2011 to'o 2013 númiru empregadu aumenta tan ho percentajen 13.2%. Aumentu ne'ebé aas liu (76%) mosu iha setor venda no asistênsia no númiru profesional aumenta ho percentajen 32%.

Rezultadu peskiza husi PEA 2014 nian subliña katak traballador estranjeiru barak mak pozisaun jestor (40%) no profesional (28%) iha emprezáriu. Ida ne'e bele realisa mamuk abilidade iha Timor-Leste. Proporsan aas husi aplikasaun ne'ebé simu husi traballador estranjeiru sira ba pozisaun manajerial no téknika (haree iha asistênsia empregu) mos konfirma karaterística ida ne'e.

Tuir Peskiza Forsa Traballu 2013, so 8.9% husi forsa traballu mak iha grau universidade, no 42.3% husi forsa traballu iha deit edukasaun sekundária. Limitasaun númiru ema iha forsa traballu ne'ebé iha edukasaun nivel tersiária karik esplika prezensa proporsan traballador estranjeiru ne'ebé aas ba pozisaun jestaun no profesional iha Timor-Leste.




Figura 4. Númiru empregadu iha emprezáriu (2010-2012). Fonte: Peskiza Atividade Emprezárial 2012

¹PEA uza amostra ne'ebé ki'ik (<400) hodi bele haree eizensia no mamuk abilidade iha nasaun laran.

Iha konkluzaun, ita bele dehan katak kontinuasaun kresimentu iha setor la'os mina nian kontribui ona ba kriaun serbisu ne'ebé la'os klasifika hanesan setor agrikultura. Serbisu barak liu mak kria ona iha setor konstrusaun, komersiu, no asistênsia. Iha serbisu oituan deit iha setor fabrika ne'ebé ita bele kumprinde konsidera medida fabrika iha ekonómia kí'ik tebes.

Deklarasaun kresimentu ekonómiku iha tinan 2012 signifika katak iha rekrutamentu ema oituan deit kompara ho tinan uluk nian. Iha tinan 2012 serbisu oituan tebes mak aumenta tan iha setor konstrusaun tamba possibilidade kresimentu negativu iha setor ida ne'e. Nune'e mos, traballador oituan deit mak tama ba iha venda jeral no komersiu retallu.

Rezultadu husi PEA 2014 sujere katak velocidade rekrutamentu hetan fali ninia momentu diak iha tinan 2013. Jeralmente, karateristika jeral hatudu katak emprezáriu sira iha Timor-Leste kontrata traballador barak liu tan.

Maske nune'e, preokupasaun boot mak limitasaun traballador ne'ebé kompetenti no iha abilidade ba pozisaun nivel jestaun, profesional, no profesional asociadu. Iha proporsaun aas ba traballador sira iha pozisaun profesional no jestor nian balun ne'ebé indika problema mamuk abilidade no forneseimentu traballador.

Asistênsia Empregu

Durante fulan Janeiru-Juñu 2014, klienti hamutuk 4,708 mak rejista ona ho Sentru Akonsellamentu Kareira (CEOP) iha distritu hirak ne'e. Sira ne'ebé rejista ona inklui ema na'in 2,336 ne'ebé buka hela serbisu. Total ema hamutuk na'in 2,281 mak husu formasaun. Entre sira ne'e, maioria (2,221) iah interese atu rejista ba programa formasaun profisional, no kleinti na'in 91 hakarak atu hetan apoiu asesoria hodi bele kole sira nia empreza rasik.

Figura 5 fornese detallu formandu sira ne'ebé rejista ona iha kursu formasaun oi-oin. Maioria husi formandu sira ne'e rejista ona ba kursu administrasaun no téknolojia informasaun.




Figura 5. Detallu númeru formandu ne'ebé rejista ona tuir espesialidade (Jan-Jun 2014). Fonte: SEPFOPE

SEPFOPE tulun ona ema na'in 146 ne'ebé buka hela serbisu atu hetan empregu. Deskobre ona katak proporsaun boot serbisu hanesan "tékniku no profesional asociadu" no serbisu iha profisaun elementariu. Tékniku no profesional asociadu normalmente presiza abilidade no edukasaun iha nivel sekundária ka tersiária no profisaun elementariu jeralmente involve deit knaar rutina no laiha edukasaun formal.

Empregadu liu 90% ne'ebé empregadu ona tama kategoria grupu idade tinan 15-39. Situasaun ne'e karik refleta perfil profisaun nian, empregadu liu 60% husi empregadu sira mak iha kualifikasaun edukasaun sekundária ka tersiária, no empregadu hamutuk 25% mak laiha edukasaun formal (Figura 6).




Figura 6. Kolokasaun serbisu tuir kategoria profissaun (Jan-Jun 2014). Fonte: SEPFOPE

SEPFOPE mos apoia programa empregu ba rai liur iha ninia koperasaun ho Koreaia du Sul no Australia. Iha periodu relataoriu nian (Jan-June 2014) SEPFOPE tulun ona Timor oan na'in 169 atu hetan serbisu iha Koreaia du Sul.

Iha tinan 2014, iha empregadu feto na'in walu deit husi empregadu sira ne'e. Iha Figura 7 ita bele haree númeru total Timor oan sira ne'ebé empregadu ona iha Koreaia du Sul liu husi programa empregu iha rai liur. Husi empregadu sira ne'e, maioria (461) hetan kontratu iha tinan 2012.




Figura 7. Númeru Timor oan sira ne'ebé serbisu iha rai liur iha Koreaia du Sul (2009-2014). Fonte: SEPFOPE

Númiru traballador ne'ebé hetan serbisu iha tinan 2013 tuun maka'as. Peska no fabrika hanesan setor empregu prinsipal rua ba traballador Timor oan sira iha Koreaia du Sul. Hahuu husi tinan 2009, traballador Timor oan hamutuk 1,558 mak koloka ona iha Koreaia du Sul.

Tuir dadus ne'ebé instituisaun finanseira rua iha Dili fornese ona, osa hamutuk USD 2,892,694 mak haruka ona mai Dili hanesan rendimentu husi Koreaia du Sul. Detallu montante osan ne'ebé haruka ona mai husi Janeiru-Juñu 2014 mak hatudu iha Figura 8. Fulan Marsu hatudu pontu altu iha rendimentu husi Koreaia du Sul ne'ebé hamutuk USD 644,573.




Figura 8. Rendimentu husi Koreaia du Sul Jan-June 2014. Fonte: Dadus husi instituisaun finanseira rua ne'ebé funsiona iha Timor-Leste

Hamutuk ho Governu Australia SEPFOPE hala'o parseria ida relaciona ho programa traballador tuir tempu (*traballador sazonais*). Iha programa ida ne'e, to'o Juñu 2014, ema hamutuk na'in 119 mak hetan ona serbisu hanesan empregadu tuir tempu iha Australia.

Traballador Timor oan sira regruta ona ba serbisu iha setor ospitalidade no ortikultura iha Teritóriu Norte Australia nian. Programa ne'e fo ona kontratu serbisu ba liu 60% husi total traballador sira husi fulan Janeiru to'o Juñu 2014.

Durante periodu relatoriu, total aplikasaun 616 mak simu ona husi traballador rai liur sira hodi bele prosesa autorizasaun atu serbisu. Aplikante sira inklui mane na'in 488 no feto na'in 128 husi nasaun oi-oin. Liu 64% husi aplikante sira mak mai husi Indonezia, tuir kedas Filipina (13%) no Xina (6.6%).

Figura 9 hatudu detallu kategoria profisaun ne'ebé klasifika mos ema estrabjeiru sira ne'ebé aplika ba autorizasaun serbisu. Kategoria profisaun prinsipal tolu ne'ebé mosu mak jestor (24%), profesional (21%), no traballador arte no komersiu relasionadu (39%).

Pozisaun manajerial nian jeralmente hanesan pozisaun senior inklui director no nivel profesional inklui enjineiru, ekonomista, advogadu, nst. Arte no komersiu relasionadu inklui profisaun tékniku hanesan mékaniku, eletrisista, karpinteiru, kuzineiru/a, nst.



Figura 9. Detallu autorizasaun serbisu ne'ebé fo ona ba traballador estranjeiru sira tuir kategoria profisaun (%). Fonte: SEPFOPE

Atu hetan informasaun liu tan halo favor kontaktu

Jenifer Antonio da Cruz Pui

Sefi Departamentu Merkadu Traballu,

Secretaria de Estado Para A Política de Formação Profissional E Emprego (SEPFOPE)

Caicoli Street, Dili

Email: jenifer.pui@sepfope.gov.tl

Telp: 77994109